

AUGLÝSING

**um staðfestingu á deiliskipulagi staðgreinireita 1.217, 1.218 og 1.219,
sem afmarkast af Kringlumýrarbraut, Borgartúni,
Höfðatúni og Sæbraut.**

Samkvæmt skipulagslögum nr. 19, 21. maí 1964 hefur ráðherra þann 18. október 1993 staðfest uppdrátt og greinargerð deiliskipulags fyrir staðgreinireiti 1.217, 1.218 og 1.219, sem afmarkast af Kringlumýrarbraut, Borgartúni, Höfðatúni og Sæbraut.

Uppdráttur þessi og greinargerð hafa hlotið þá meðferð sem skipulagslög nr. 19/1964 mæla fyrir um og samþykki borgarstjórnar Reykjavíkur og skipulagsstjórnar ríkisins.

Umhverfissráðuneytið, 18. október 1993.

Össur Skarphéðinsson.

Magnús Jóhannesson.

AUGLÝSING

**um staðfestingu á deiliskipulagi staðgreinireits 1.520, sem markast af
Lágholtsvegi, Framnesvegi, Grandavegi og lóð Lýsis hf.**

Samkvæmt skipulagslögum nr. 19, 21. maí 1964 hefur ráðherra þann 18. október 1993 staðfest uppdrátt og greinargerð deiliskipulags fyrir staðgreinireit 1.520, sem markast af Lágholtsvegi, Framnesvegi, Grandavegi og lóðarmörkum Lýsis hf. Jafnframt fellur úr gildi áður auglýst staðfesting frá 24. september 1980.

Uppdráttur þessi og greinargerð hafa hlotið þá meðferð sem skipulagslög nr. 19/1964 mæla fyrir um og samþykki borgarstjórnar Reykjavíkur og skipulagsstjórnar ríkisins.

Umhverfissráðuneytið, 18. október 1993.

Össur Skarphéðinsson.

Magnús Jóhannesson.

AUGLÝSING

um breytingu á aðalskipulagi Bíldudals 1986–2006.

Samkvæmt ósk hreppsnefndar Bíldudalshrepps hefur skipulagsstjórn ríkisins þann 28. júlí 1993 staðfest breytingar, sbr. 3. og 4. mgr. 19. gr. skipulagslaga nr. 19/1964, á aðalskipulagi Bíldudals 1986–2006, er staðfest var 6. nóvember 1986.

Breytingar eru fólgnar í því:

- að iðnaðarsvæði við höfnina breytist í stofnanareit og opið svæði til sérstakra nota,
- að fallið er frá smábátahöfn austan við umrætt svæði,
- að 20 m breið ræma meðfram skjólgarði er frátekin hafntengdri starfsemi,
- að spilda inni í dalbotni er tekin undir opið svæði til sérstakra nota, þ.e.a.s. fyrir golfvöll, en var á áður staðfestum uppdrætti ætlað til nota fyrir framtíðaríbúabyggð og landbúnað.

Hreppsnefnd Bíldudalshrepps tekur að sér að bæta það tjón, er einstakir aðilar kunna að verða fyrir við breytinguna.

Umhverfissráðuneytið, 19. október 1993.

F. h. r.

Magnús Jóhannesson.

Hrafn Hallgrímsson.

REGLUGERÐ

**um breyting á reglugerð nr. 274, 28. júní 1993,
um veiðar í atvinnuskyni fiskveiðiárið 1. september 1993 til 31. ágúst 1994.**

1. gr.

Við 21. gr. reglugerðarinnar bætist ný málsgrein er orðist svo:

Í einni og sömu veiðiferðinni er óheimilt að stunda veiðar innan fiskveiðilandhelgi Íslands á kvótabundnum tegundum og jafnframt veiðar á sömu tegundum utan fiskveiðilandhelginnar. Þetta tekur þó ekki til veiða á loðnu.

2. gr.

Reglugerð þessi er sett samkvæmt ákvæðum laga nr. 38, 15. maí 1990, um stjórn fiskveiða, með síðari breytingum, til að öðlast gildi 1. nóvember 1993 og birtist til eftirbreytni öllum þeim, sem hlut eiga að máli.

Sjávarútvegsráðuneytið, 21. október 1993.

Þorsteinn Pálsson.

Árni Kolbeinsson.

REGLUGERÐ

um veitingu sérfræðingsleyfa í hjúkrun.

1. gr.

Rétt til þess að kalla sig sérfræðing í hjúkrun og starfa sem slíkur hér á landi hefur sá einn, er til þess hefur fengið leyfi heilbrigðis- og tryggingamálaráðherra.